

Na osnovu člana 5. i 29. Zakona o Vladi Tuzlanskog kantona („Službene novine Tuzlanskog kantona“, br. 17/00, 1/05, 11/06, 13/11 i 15/17) i člana 76. stav (3) Zakona o izvršenju Budžeta Tuzlanskog kantona za 2025. godinu („Službene novine Tuzlanskog kantona“, br. 18/24 i 7/25), Vlada Tuzlanskog kantona na sjednici održanoj 09.09.2025. godine, d o n o s i

05/9.

**ODLUKU**  
**o uslovima, kriterijima i postupku raspodjele sredstava za sufinansiranje**  
**manifestacija koje imaju značaj za razvoj turizma Tuzlanskog kantona**

Bosna i Hercegovina - Federacija Bosne i Hercegovine  
**KANTON**  
**MINISTARSTVO TRGOVINE,**  
**TURIZMA I SAOBRAĆAJA**

Prilozi:	29.09.2025g.
Broj:	05-03-178/25
Priloga:	
Bez priloga:	

**DIO PRVI – OSNOVNE ODREDBE**

**Član 1.**

- (1) Ovom odlukom se utvrđuju uslovi, kriteriji, način i postupak raspodjele preostalih finansijskih sredstava za sufinansiranje manifestacija koje imaju značaj za razvoj turizma Tuzlanskog kantona, definisanih Budžetom Tuzlanskog kantona za 2025. godinu („Službene novine Tuzlanskog kantona“, broj: 18/24 i 7/25) sa ekonomskog koda 614300 - tekući transferi neprofitnim organizacijama, MAX 110, funkcija 0473, u iznosu od 20.810 KM (slovima: dvadesthiljadaosamstodeset konvertibilnih maraka), potrošačka jedinica 22010001 - Ministarstvo trgovine, turizma i saobraćaja Tuzlanskog kantona (u daljnjem tekstu: Ministarstvo).
- (2) Odluka je izrađena u skladu sa strateškim ciljevima i prioritetima naznačenim u Strategiji razvoja turizma Tuzlanskog kantona za period 2024 - 2029. godina.
- (3) Sredstva iz stava (1) ovog člana se raspoređuju u skladu sa članom 76. Zakona o izvršenju Budžeta Tuzlanskog kantona za 2025. godinu i planiranim sredstvima u Budžetu Tuzlanskog kantona za 2025. godinu.

**Član 2.**

- (1) Bespovratna finansijska sredstva iz člana 1. ove odluke (u daljnjem tekstu: bespovratna sredstva) se odobravaju za sufinansiranje i podršku manifestacijama koje imaju značaj za razvoj turizma Tuzlanskog kantona (u daljnjem tekstu: Kanton) koje se realizuju u zadnjem kvartalu 2025. godine i čija realizacija će doprinijeti ostvarenju sljedećih strateških ciljeva:
  - a) Poticati razvoj održivog turizma u Kantonu;
  - b) Unaprijediti konkurentnost turizma Kantona.
- (2) Sufinansiranje se odnosi na manifestacije koje imaju sljedeće specifične ciljeve:
  - a) povećati broj turista koji posjećuju Kanton,
  - b) promovisati kulturnu baštinu, tradiciju i običaje Kantona,
  - e) povećati vidljivost Kantona kao poželjne turističke destinacije,
  - f) unaprijediti promociju turističke ponude Kantona,
  - g) obogatiti turističku ponudu na području Kantona
  - h) produžiti turističku sezonu na području Kantona.

**Član 3.**

- (1) Bespovratna sredstva se odobravaju neprofitnim organizacijama i udruženjima koja se bave promocijom i razvojem turizma, za organizaciju manifestacija koje će se realizovati isključivo na području Kantona i u zadnjem kvartalu 2025. godine. Na javni poziv se mogu prijaviti samo one neprofitne organizacije i udruženja koje u okviru djelatnosti i ciljeva navedenih u Statutu imaju razvoj, promociju, podršku turizmu ili druge djelatnosti i ciljeve koji se bez sumnje mogu povezati sa razvojem turizma.
- (2) Bespovratna sredstva za pojedinačnu manifestaciju mogu iznositi minimalno 2.000 KM (slovima: dvijehiljade konvertibilnih maraka) do maksimalno 7.000 KM (slovima: sedamhiljada konvertibilnih



maraka).

- (3) Za svaku predloženu manifestaciju podnosilac prijave mora obezbijediti novčano sufinansiranje u iznosu od najmanje 30% iz vlastitih izvora sredstava od ukupnog iznosa budžeta predložene manifestacije.
- (4) Podnosilac prijave je dužan prikazati tačne podatke o izdvojenim finansijskim sredstvima kroz prijavni obrazac i budžet, zajedno sa izjavom o minimalnom iznosu sufinansiranja.
- (5) Podnosilac prijave ima pravo prijaviti na Javni poziv samo jednu manifestaciju.
- (6) Ministarstvo zadržava pravo da ne raspodijeli raspoloživa sredstva ukoliko kvalitet projektnih prijedloga nije zadovoljavajući odnosno ukoliko predložene manifestacije ne ispunjavaju sve definirane kriterije te da preostala sredstva utroši za sufinansiranje drugih projekata.

#### Član 4.

- (1) Bespovratna sredstva dodjeljuju se organizatorima manifestacija koje ispunjavaju uvjete propisane ovom odlukom.
- (2) Sve aktivnosti, oko organizacije i realizacije manifestacije moraju biti završene do kraja 31.12.2025. godine.
- (3) Nije dozvoljena nabavka usluga od fizičkog lica koje nije registrovano za obavljanje djelatnosti koja je predmet nabavke.
- (4) Neprihvatljivi troškovi za koje se ne mogu koristiti sredstva su: kupovina i dugoročno iznajmljivanje objekata, zemljišta, motornih i priključnih vozila, izgradnja, obnova, rekonstrukcija i modernizacija objekata, kupovinu opreme, plaće i doprinosi na plaće, druga davanja koja nemaju karakter plaća uposlenicima aplikanta, nabavka usluga i opreme od lica koja nisu registrovana kao poslovni subjekti, cesije, krediti, lising, kompenzacije, polise osiguranja lica i imovine, kao i svi ostali troškovi koji nisu nastali direktno u svrhu realizacije manifestacije s kojom se aplicira na Javni poziv i koji nisu navedeni u prijavnom obrascu i budžetu projekta.
- (5) Predložena manifestacija se neće razmatrati niti finansijski podržati ukoliko su:
  - a) usmjereni isključivo za ostvarivanje vjerskih ciljeva,
  - b) usmjereni na promociju programa političkih stranaka,
  - c) usmjereni isključivo na investicijska ulaganja,
  - d) podnosioci zahtjeva nisu dostavili izvještaje o namjenskom utrošku sredstava dobijenih u prethodnoj godini od Vlade Kantona,
  - e) podnosioci zahtjeva sa sjedištem izvan Kantona,
  - f) podnosioci koji su prethodno sufinansirani iz Budžeta Kantona za realizaciju iste ili druge manifestacije u 2025. godini,
  - g) koji se neće realizovati do 31.12.2025. godini,
  - h) koji se realizuju van područja Kanton.
- (6) Svako korištenje odobrenih sredstava suprotno definisanim namjenama smatrat će se nenamjenskim utroškom.

### DIO DRUGI - PROVOĐENJE JAVNOG POZIVA I PRIJAVA

#### Član 5.

- (1) Bespovratna sredstva će se dodjeljivati na osnovu javnog poziva i primjenom kriterija utvrđenih ovom odlukom.
- (2) Ministar trgovine, turizma i saobraćaja (u daljnjem tekstu: Ministar) će u roku od 30 (trideset) dana od dana donošenja ove odluke raspisati Javni poziv za podnošenje prijave za dodjelu bespovratnih sredstava, na osnovu ove odluke.
- (3) Javni poziv objavljuje se na službenoj web-stranici Ministarstva i Vlade Kantona.

## Član 6.

- (1) Uz prijavu na Javni poziv, koja se dostavlja na obrascu, čija forma će biti propisana uz Javni poziv, podnosilac prijave dostavlja:
- 1) Plan i program manifestacije,
  - 2) Finansijski plan/budžet manifestacije sa traženim elementima (ukoliko je plan izrađen na osnovu ponuda, potrebno je uz plan dostaviti i ponude) - ispunjen, potpisan, ovjeren i u cjelosti popunjen isključivo na računaru,
  - 3) Rješenje o registraciji – original ili ovjerena kopija,
  - 4) Statut ili drugi dokument koji pokazuje ciljeve neprofitne organizacije koji trebaju biti vezani za turizam – original ili ovjerena kopija,
  - 5) Uvjerenje o poreznoj registraciji kod Porezne uprave FBiH – ID broj – original ili ovjerena kopija,
  - 6) Obavještenje o razvrstavanju prema klasifikaciji djelatnosti – original ili ovjerena kopija,
  - 7) Uvjerenje o urednom ispunjavanju obaveze plaćanja poreza i doprinosa (direktnih i indirektnih). Ukoliko podnosilac prijave nije obveznik indirektnih poreza dostaviti uvjerenje Uprave za indirektno oporezivanje ili ovjerenu izjavu – original ili ovjerena kopija,
  - 8) Uvjerenje da se protiv podnosioca prijave, odnosno lica ovlaštenih za zastupanje, ne vodi krivični postupak (uvjerenje od nadležnog suda) i nije pravosnažno osuđen za prekršaj i/ili počinjenje krivičnog djela (uvjerenje od nadležnog MUP-a)- original ili ovjerena kopija,
  - 9) Vremenski plan realizacije predloženih aktivnosti i finansiranja,
  - 10) Ugovor sa bankom o otvaranju transakcijskog računa ili drugi dokument koji potvrđuje postojanje trenutno aktivnog bankovnog računa na koja će se doznačiti odobrena sredstva,
  - 11) Potpisanu izjavu o namjeri i iznosu vlastitog sufinansiranja,
  - 12) Izjavu o korištenim podrškama male vrijednosti,
  - 13) Foto dokumentaciju ukoliko se radi o manifestaciji koja je organizovana i ranije,
  - 14) Dokaz o sufinansiranju, ukoliko je projekat sufinansiran i iz drugih izvora,
  - 15) Potvrda lokalne samouprave da manifestacija ima značaj za razvoj turizma, izgradnju povoljnog turističkog imidža i obogaćivanju turističke ponude Kantona.
- (2) Javnim pozivom može se propisati obaveza dostavljanja i druge dokumentacije ili podataka.

## DIO TREĆI – KOMISIJA, KRITERIJI ZA OCJENJIVANJE PRIJAVA I ODABIR PROJEKATA

### Član 7.

- (1) Ministar rješenjem imenuje komisiju za provođenje postupka dodjele sredstava po Javnom pozivu koji će biti sačinjen u skladu sa kriterijima definisanim ovom odlukom (u daljnjem tekstu: Komisija).
- (2) Komisija ima zadatak da razmotri prijave pristigle po Javnom pozivu, utvrdi da li su ispunjeni opšti i posebni kriteriji utvrđeni ovom odlukom, izvrši bodovanje i sačini preliminarnu listu. (Član 44. Smjernica Zadaci komisije)
- (3) Članovi Komisije potpisuju izjavu o nepristrasnosti i povjerljivosti.
- (4) Ministar rješenjem imenuje komisiju za nadzor utroška sredstava u roku od 30 dana od dana raspisivanja Javnog poziva.

### Član 8.

- (1) Komisija utvrđuje blagovremenost, potpunost te usklađenost prijave s opštim kriterijima Javnog poziva.
- (2) Prijave pristigle po objavljenom Javnom pozivu obrađuju se po redoslijedu zaprimanja.
- (3) Nakon formalno-pravne provjere svake pristigle prijave i izvršenog bodovanja, Komisija će utvrditi rang listu prijava.



- (4) U slučaju da dvije ili više prijava imaju isti broj bodova, izvršit će se rangiranje tih prijava na osnovu ranijeg zaprimanja potpune prijave.
- (5) Prijave, koje su nepotpune, neblagovremene i nisu podnesene na propisani način, neće biti razmatrane.

#### Član 9.

- (1) Komisija, na osnovu kriterija utvrđenih ovom odlukom, utvrđuje preliminarnu listu odabranih projekata i projekata koji nisu prihvaćeni za sufinansiranje.
- (2) Preliminarna lista odabranih projekata i projekata koji nisu prihvaćeni za sufinansiranje se objavljuje na web stranici Ministarstva i Vlade Kantona, a sadrži:
- naziv podnosioca prijave,
  - naziv projekta/manifestacije,
  - iznos sufinansiranja,
  - razlog zbog kojeg projekat/manifestacija nije prihvaćen.
- (3) Na preliminarnu listu iz stava (1) podnosioci prijava mogu izjaviti pisani prigovor u roku od 5 dana od dana objave preliminarne liste, na način utvrđen u Javnom pozivu.
- (4) Odluku o prigovoru donosi Ministar, u roku od 5 dana od dana isteka roka za prigovor. Odluka Ministra po izjavljenom prigovoru je konačna.
- (5) Po okončanju roka za prigovor i nakon rješavanja prigovora, Ministar donosi Odluku o utvrđivanju konačne liste o odobravanju finansijskih sredstava korisnicima sa iznosima sufinansiranja. Konačna lista se objavljuje na web stranici Ministarstva i Vlade Kantona.
- (6) U skladu sa Odlukom iz stava (5), sa odabranim korisnicima se u roku od 15 dana od objavljivanja konačne liste, zaključuje ugovor kojim će se definisati međusobna prava, obaveze, odgovornosti i rokovi realizacije projekta/manifestacije.

#### Član 10.

- (1) Odabir projekata i dodjela bespovratnih sredstava vrši se na osnovu sljedećih posebnih kriterija:

Kriterij	Opis	Jedinica mjere	Max. broj bodova (0-10)	Ocjena (1-10)	Komentar
Broj posjetitelja	Ukupan broj posjetitelja na manifestaciji u prethodnim godinama (ako se manifestacija organizovala ranije)	Broj posjetitelja <ul style="list-style-type: none"> <li>• do 100 posjetitelja – 1 bod</li> <li>• 100–300 – 3 boda</li> <li>• 300–500 – 5 bodova</li> <li>• 500–1000 – 8 bodova</li> <li>• preko 1000 – 10 bodova</li> </ul>	10		
Medijska pokrivenost	Medijska pokrivenosti manifestacije. (novine, televizija,	Broj medijskih objava/dosega publike na društvenim mrežama <ul style="list-style-type: none"> <li>• 2 objave / 5.000 doseg – 3 boda</li> </ul>	10		

		<ul style="list-style-type: none"> <li>• 1–2 manifestacije – 3 boda</li> <li>• 3–5 manifestacija – 6 bodova</li> <li>• 6–10 manifestacija – 8 bodova</li> <li>• 10+ manifestacija – 10 bodova</li> </ul>			
<b>Finansijska održivost</b>	Jasno prikazivanje budžeta manifestacije, prihodi, troškovi, povrat investicija i dugoročna održivost.	<ul style="list-style-type: none"> <li>• Nejasni prihodi i rashodi – 0 bod</li> <li>• Osnovni budžet, bez povrata i uvida u održivost – 3 boda</li> <li>• Jasna struktura budžeta i djelimična održivost – 6 bodova</li> <li>• Jasna i potpuna struktura budžeta – 10 bodova</li> </ul>	10		
<b>Postojeći i planirani programi (sadržaj manifestacije)</b>	Raznovrsnost i kvaliteta programa manifestacije te njihov utjecaj na turističku ponudu.	<p>Broj programa / trajanje manifestacije</p> <ul style="list-style-type: none"> <li>• 1 program / 1 dan – 2 boda</li> <li>• 2–3 programa / 1 dan – 4 boda</li> <li>• 4–5 programa / 2 dana – 6 bodova</li> <li>• 6–8 programa / 2–3 dana – 8 bodova</li> <li>• 9+ programa / 3+ dana – 10 bodova</li> </ul>	10		

- d) Za inostrana plaćanja – SWIFT nalog za plaćanje ovjeren od strane banke;
- e) Ostale dokumente kojima korisnik sredstava može opravdati utrošak sredstava.

### Član 13.

- (1) Odabrani korisnici bespovratnih sredstava se obavezuju promovisati u svojim javnim nastupima provedbu manifestacije i ostvarene rezultate te kroz svoje promotivne aktivnosti navoditi Vladu Kantona i Ministarstvo kao institucije koje sufinansiraju manifestaciju te isto uz izvještaj potkrijepiti dokazima (brošure, promotivni materijal u digitalnom obliku, plakati, videozapisi, članci iz novina i sl.).
- (2) Odabrani korisnici bespovratnih sredstava se obavezuju pozvati predstavnike Ministarstva na manifestaciju, konferenciju i druge aktivnosti u okviru realizacije manifestacije (najava, otvorenje i sl.)
- (3) Odabrani korisnici bespovratnih sredstava dužni su omogućiti Ministarstvu kontrolu namjenskog korištenja dobivenih sredstava, odnosno svojim potpisom na prijavi obavezuju se da će za vrijeme kontrole omogućiti neometan i cjelovit pristup dokumentaciji, a po potrebi poslovnom prostoru i ostalim relevantnim objektima i opremi.
- (4) Planovi i preuzete obaveze bit će predmet detaljnog praćenja i kontrole.
- (5) Sve sumnje na zloupotrebe odobrenih i bespovratnih sredstava će biti istražene i po potrebi sankcionisane u skladu sa zakonom.

### DIO PETI - ZAVRŠNE ODREDBE

### Član 14.

Za realizaciju Odluke zadužuju se Ministarstvo i Ministarstvo finansija Tuzlanskog kantona, svako u okviru svojih nadležnosti.

### Član 15.

Ova odluka stupa na snagu danom donošenja, a objavit će se u „Službenim novinama Tuzlanskog kantona“.

BOSNA I HERCEGOVINA  
Federacija Bosne i Hercegovine  
TUZLANSKI KANTON  
V L A D A

Broj: 02/1-18-25260/25  
Tuzla, 09.09.2025. godine



PREMIJER KANTONA

Irfan Halilagić